

元明事類鈔

欽定四庫全書

元明事類鈔卷四

監察御史姚之駟撰

君道門一

符命

白光化神 元史太祖十四祖勃端察爾阿倫果幹寡居
夜寢夢白光自天窓入化為金色神人起卧榻驚覺
遂娘勃端察爾

天改姓 元紀事本末金末太白經天郭寶玉嘆曰北
軍南汴梁即降天改姓矣

製大寶 元經世大典我朝懲歷代之謬雖得秦刻及
前世之器皆藏而不用爰製大寶質兼金玉之貴文
列古今之宜以成一代之制

獻秦璽 元史國王拾得家有故璽將鬻之以示中丞
崔彧有御史楊桓辨其文曰受命於天既壽永昌蓋
秦璽也彧請獻之賜金織文段二

甲辰君 元史順帝時司徒香山言陶宏景胡笳曲有
負宸飛天歷終是甲辰君之語陛下生年紀號寔與
之合此受命之符宜宣付史館翰林諸臣以為恐啟
識緯之端事遂寢

庚申帝 權衡庚申帝大事紀瀛國公居甘州山寺有
趙王者贈一女子後生一男明宗適自北來見寺中
龍文五采氣問之曰子室中有異寶乎曰無今早產
一男子耳明宗因求為子并其母以去即庚申帝也

金定四庫全書
卷四
余應詩合尊之妻夜生子明宗隔帳聞笙鏞至今兒
孫主沙漠吁嗟趙氏何其雄

紅羅幃 名山藏太祖初生浴汲河水水浮紅羅遂取
為衣故所居名紅羅幃

婁宿降靈 皇甫庸記畧元天歷戊辰婁宿降靈高皇
以是年生至洪武戊寅而婁星復明

告太平 明高皇周顛仙傳顛人周姓者建昌人因患
顛疾凡新官到任必謁見而訴之曰告太平後朕帥

師取南昌顛者來謁必曰告太平

鳳陽陵 剪勝野聞淳皇帝及后疫死不能具棺太祖
謀草葬山中行未抵所而綆絕忽風雨雷電聞神語
曰孰襲取我土有應者具淳皇名曰為若人則已已
而暴風揚沙天轉晦比明往視土裂屍已陷田伯劉
大秀遂歸其地今鳳陽皇陵是也

紫衣與俱 明紀事本末太祖歷光固諸州道病輒見
兩紫衣人與俱病已遂不見解縉瑞應頌途中遇疾

紫衣饋食

光燭地 名山藏成祖初舉兵風雨四起咫尺昏迷少
焉東方雲開露青天尺許有光燭地將士皆喜

日照龍鱗 卓異記文皇同東宮侍太祖偶見御輦馬
命對曰風吹馬尾千條線文皇應聲曰日照龍鱗萬
點金東宮徐對曰雨打羊毛一片氈其氣象不侔如
此

太醫樣 卓異記太祖看列代帝王像至宋真宗以下

曰太醫樣也至元世祖曰北人南相至順帝曰此又如太醫樣何也蓋順帝乃宋幼主熈所生

國號年號 春明夢餘錄遼之正殿曰洪武元之正殿曰大明後國號年號先見於此誰謂非定數也

赤光罩帳 明通紀英宗既陷北營時有赤光罩定御帳額森雪夜遣人行刺其人見一大蟒蛇遶護帳外畏怖而去

雨再來 明紀事本末正統中京師旱羣小兒為土龍

拜禱歌曰雨帝雨帝城隍土地雨若再來還我土地
未幾而有監國即位之事繼有復辟之舉說者謂雨
帝者與弟城隍者邸王再來還土地復辟也悉如謠
言

帝誕

天壽節 元史仁宗朝詔以生日為天壽節

寺觀祝壽 元典章每聖誕前期一月文武官躬詣寺

觀建祝聖萬安道場本日朝臣詣闕稱賀外官則率

民人結綵焚香呈舞百戲夾道祇迎就寺觀三呼舞
蹈畢公宴而散其費皆督之里下

祠中異香 名山巖當皇妣娠時夢黃冠授一丸有光
吞之覺而口尚聞香明日生太祖於土地祠中白氣
貫空異香經宿祠中神驚避數里

授大圭 名山巖宣宗始生之夕成祖夢高帝授以大
圭命曰傳之子孫永世其昌

聖節賦詩 陳建明通紀宣宗二年聖節上製詩一章

賜塞義胡濙楊士奇楊榮賜宴盡歡而罷詩曰九天
日月絢祥光萬歲慈幃樂壽康初度幸逢全盛日贊
襄有道賴賢良

民服祝聖 明黃佐集叅議項喬舟出潞河遇聖壽節
方欲行禮有報者曰小舟有民服具香案叩首祝聖
禮節甚恭者喬曰此必薛某訪之果然蓋薛侃是時
方以行人放還其忠敬如此

賜鏤金字 于慎行萬壽節賜鏤金萬壽字銀書靈符

等物詩裁就靈符華舜旦鑄成寶畫記堯年

金鏡瑤池 高啓聖壽節早朝詩金鏡千秋錄瑤池萬
壽觴

君德

物價頓減 元通鑑仁宗御便殿李孟進曰陛下御極
物價頓減方知聖人神化之速

遲留覆奏 元史世祖諭史天澤曰朕或乘怒有所誅
殺卿等宜遲留一二日覆奏行之

禁飛放 元經世大典冬春之交天子或親幸近郊縱鷹隼搏擊名曰飛放至仁廟以穀不熟詔曰朕不飛放其勅諸王皆不聽出

親署御名 元史秘書藏裕宗當時倣書於學生之下親署御名習書謹呈其敬如此

却珠留錢 續文獻通考世祖時回回獻大珠要價數萬上曰珠何用當留是錢以賑貧遂却之

天性恭儉 經濟類編元仁宗天性恭儉通達儒術事

太后終身不違顏色待宗戚勲舊始終以禮大臣親
老時加恩賚大官進膳必分賜貴近有司奏大辟每
惻惻移時

故篋示儉 元史英宗燕大安閣閣中有故篋宦者進
曰此世祖貯裘帶者有聖訓云藏此以遺子孫使見
吾儉樸可為華侈之戒即命發篋視之

素服寢地 元史仁宗不豫英宗憂形於色夜則焚香
泣禱及升遐哀毀過禮素服寢於地日歆一粥

給林廟 元史成宗時給曲阜林廟洒掃戶以尚珍署
田五十頃供歲祀焉

不似漢高 元許衡集劉秉忠定朝議奏之因言漢高
帝有言吾乃今知皇帝之貴上曰漢高眼孔小朕豈
如是

却雨衣 元通鑑仁宗以夏旱露禱既而大雨左右以
雨衣進帝曰朕為民祈雨何避焉

度越前代 明鄭曉吾學編謝方石嘗曰我太祖有度

越前代者五外攘荒漠收復諸夏一也肇基南服統
一天下二也威加勝國鋒刃不交三也躬自創業臨
馭寰宇四也申明祖訓宗法最嚴五也

衣袖敝垢典故紀聞成祖坐右順門所服裏衣袖敝
垢納而復出侍臣有贊聖德者上曰念當惜福故每
澣濯更進昔皇妣躬緝故衣皇考見之而喜朕守先
訓豈敢忘之

論寬恤事明通紀宣宗謂楊士奇曰憶五年五月共

爾宿齋宮論寬恤事且兩閱歲民事不又有可恤乎
士奇退與胡濙條上十數事即命行之

虞夏為盛 明林貞肅疏孝宗振舉舊章復午朝定日
講開經筵時召劉健李東陽謝遷劉大夏戴珊等討
論道理且草傳奉裁冗食善政不可枚舉宏治之政
虞夏為盛

三舉耒 典故紀聞宣宗上陵還道中見耕者以數騎
往視之下馬詢其稼穡之事因舉所執耒三推謂侍